



BOSNIAN-HERZEGOVINIAN FILM FESTIVAL™  
NEW YORK CITY

Kontakt: Amra Turalić  
(917) 302-2702  
[amra@bhffnyc.org](mailto:amra@bhffnyc.org)

ili

Edita Zulić  
(646) 752-5030  
[edita@bhffnyc.org](mailto:edita@bhffnyc.org)

**ČETVRTI GODIŠNJI BOSANSKOHERCEGOVAČKI FILMSKI FESTIVAL  
ĆE SE ODRŽATI U TRIBECA CINEMAS**  
*BHFF™ zvanično otvara i konkurs za prijavu filmova*

**Njujork, januar, 2007:** Ovogodišnji Bosanskohercegovački Filmski Festival (BHFF™) koji predstavlja istaknutu i u svijetu priznatu tradiciju kinematografije Bosne i Hercegovine, će se održati u Tribeca Cinemas, kinu koje je inače domaćin Tribeca Film Festival-a. Četvrti po redu BHFF™, nazvan Prijatelj Tribeke, će se održati 11.- og i 12. - og maja 2007. godine u Tribeca Cinemas u Njujorku. Istovremeno BHFF™ objavljuje otvaranje zvaničnog konkursa za prijavu filmova na četvrti godišnji filmski festival.

Ovaj jedinstveni kulturni događaj koji je organizovan od strane dvije neprofitne organizacije u Njujorku, Radio Glas Bosne i Hercegovine i Akademija Bosne i Hercegovine, predstavlja nove talente moderne evropske kinematografije, ujedno pružajući jedinstvenu priliku američkoj publici da se upozna sa filmom i kulturom Bosne i Hercegovine.

Od osnivanja 2003. godine, festival je privukao značajnu pažnju javnosti kroz međunarodno priznate kratkometražne i igrane filmove, među kojima su "Savršeni krug" Ademira Kenovića", "Kod amidže Idriza" Pjera Žalice, te dokumentarne filmove kao što su "Zločin i kazna" Marije F. Warsinski, te "Slijepa Pravda" Aldina Arnautovica i Refika Hodžića, kao i mnoge druge.

Filmski odbor BHFF™-a poziva reditelje i producente da dostave svoje prijave najkasnije do 31. marta 2007. godine. Filmski odbor će uzeti u razmatranje igrane i kratke filmove, dokumentarne, kratke dokumentarne i animirane filmove bosanskohercegovačkih reditelja ili filmova čija tema je Bosna i Hercegovina. Za dodatne informacije i prijave za BHFF™ posjetite [www.bhffnyc.org/Entry\\_form\\_2007.pdf](http://www.bhffnyc.org/Entry_form_2007.pdf).

Oni koji su zainteresovani za sponzorstvo BHFF™-a mogu kontaktirati Dr. Džemaludina Harbu na [harba@bhffnyc.org](mailto:harba@bhffnyc.org) i 201-670-0765 ili Almira Lucevića na [almir@bhffnyc.org](mailto:almir@bhffnyc.org) i 917-250-1200.

### **O Bosanskohercegovačkom Filmskom Festivalu (BHFF™)**

Bosanskohercegovački Filmski Festival (BHFF™) je godišnja manifestacija koju organizuju Radio Glas Bosne i Hercegovine i Akademija Bosne i Hercegovine, a koja ima za cilj promociju bosanskohercegovačke kinematografije na području Sjedinjenih Američkih Država, te upoznavanje šire javnosti sa novim djelima istaknutih i mladih bosanskohercegovačkih reditelja ili filmova čija tema je Bosna i Hercegovina. Za dodatne informacije, posjetite web-stranicu [www.bhffnyc.org](http://www.bhffnyc.org)

### **O Radiju Glas Bosne i Hercegovine**

Radio Glas Bosne i Hercegovine je neprofitna organizacija posvećena očuvanju i jačanju svijesti o bosanskohercegovačkoj kulturi u New York-u i šire. Radio Glas Bosne i Hercegovine emituje sedmični radio program na bosanskom jeziku, a istovremeno je i organizator mnogobrojnih kulturno-društvenih manifestacija za imigrante iz Bosne i Hercegovine. Za dodatne informacije, posjetite web-stranicu [www.voiceofbh.org](http://www.voiceofbh.org)

### **O Akademiji Bosne i Hercegovine**

Akademija Bosne i Hercegovine je neprofitna organizacija sa sjedištem u New York-u, koja ima za cilj povezivanje mladih porijeklom iz Bosne i Hercegovine koji žive na prostorima Sjedinjenih Američkih Država i širom svijeta unutar svojih profesija. Akademija pruža platformu svojim članovima da vode i implementiraju kulturno-umjetničke i edukativne programe koji prezentiraju dostignuća dijaspore te ostvaruju čvršće veze sa Bosnom i Hercegovinom. Za dodatne informacije, posjetite web-stranicu [www.academybh.org](http://www.academybh.org).

### **O Tribeca Cinemas**

Tribeca Cinemas je dom filmskih premijera, svečanih prijemna, te drugih javnih događaja u Manhattan-u. To je središte čuvenog Tribeca Film Festivala, kao i prostor otvoren tokom cijele godine za raznovrsne privatne događaje. Za dodatne informacije, posjetite web-stranicu [www.tribecacinemas.com](http://www.tribecacinemas.com).

###